

## **TERMA DAN SYARAT KUIZ MANFAAT BAJET**

### **A. PENGENALAN**

*Kuiz Manfaat Bajet* adalah suatu program berkonsepkan *Treasure Hunt* secara maya. Peserta perlu mencari semua inisiatif dengan ikon dalam Portal Manfaat dan menjawab soalan dalam borang penyertaan untuk berpeluang memenangi hadiah-hadiah menarik tertakluk kepada terma dan syarat yang dinyatakan kemudian daripada ini ("Terma dan Syarat").

### **B. OBJEKTIF**

*Kuiz Manfaat Bajet* diadakan bertujuan:

- mempromosikan Portal Manfaat dan inisiatif-inisiatif Bajet 2022; dan
- memperkenalkan dan menggalakkan permohonan bagi inisiatif-inisiatif Bajet 2022.

### **C. TERMA DAN SYARAT KUIZ MANFAAT BAJET**

#### **1. Terma dan Syarat Kuiz Manfaat Bajet**

- 1.1. *Kuiz Manfaat Bajet* terbuka kepada semua rakyat Malaysia.
- 1.2. *Kuiz Manfaat Bajet* bermula pada 11 Mei 2022 (Rabu) dan akan tamat pada 25 Mei 2022 (Rabu).
- 1.3. Setiap peserta hanya dibenarkan menghantar satu penyertaan sahaja.
- 1.4. 50 orang pemenang Tahap Pertama akan dipilih dalam kalangan peserta yang paling awal menghantar penyertaan dan memberi jawapan yang betul. Pemenang akan menerima baucar bernilai RM50.00.
- 1.5. 10 orang pemenang Tahap Kedua akan dipilih dalam kalangan peserta yang memberikan maklum balas konstruktif ke atas inisiatif Bajet 2022 dan pemenang akan menerima baucar bernilai RM200.00.
- 1.6. **Keputusan pemilihan pemenang oleh Kementerian Kewangan Malaysia adalah muktamad.** Sebarang rayuan atau pertikaian tidak akan dilayan.
- 1.7. Kementerian Kewangan Malaysia berhak untuk menggantikan hadiah yang dijanjikan dengan hadiah lain yang sama nilai tanpa sebarang notis.

- 1.8. Pemenang akan dihubungi melalui emel atau telefon

## **2. Penerimaan Terma dan Syarat**

- 2.1. Dengan menyertai *Kuiz Manfaat Bajet* ini, peserta dianggap telah membaca, memahami dan bersetuju untuk terikat kepada Terma dan Syarat ini.
- 2.2. Kementerian Kewangan Malaysia berhak untuk membatalkan, menangguhkan, melanjutkan atau menghentikan *Kuiz Manfaat Bajet* ini lebih awal, atau untuk meminda, mengubah, membatalkan, menghapus atau menambah Terma dan Syarat ini pada bila-bila masa tanpa notis.
- 2.3. Untuk mengelakkan keraguan, sebarang pindaan, pengubahsuaian, pembatalan, penamatan atau penangguhan oleh Kementerian Kewangan Malaysia tidak akan memberi hak kepada peserta untuk menuntut pampasan terhadap Kementerian Kewangan Malaysia atas sebarang atau semua kerugian atau kerosakan yang dialami atau ditanggung oleh peserta sama ada sebagai akibat langsung atau tidak langsung daripada tindakan pindaan, pengubahsuaian, pembatalan, penamatan atau penangguhan.
- 2.4. Dengan menyertai *Kuiz Manfaat Bajet* ini, peserta dianggap telah memberikan persetujuan kepada Kementerian Kewangan Malaysia untuk mengumpul, merekod, menyimpan, mengguna dan mendedah data atau maklumat peribadi peserta bagi tujuan pengiklanan, publisiti, pemasaran, komunikasi dan tujuan yang hanya diperlukan atau berkaitan dengan penyertaan dalam *Kuiz Manfaat Bajet* ini tanpa tuntutan bayaran atau pampasan daripada peserta.
- 2.5. Kementerian Kewangan Malaysia atau wakilnya boleh berkomunikasi dengan peserta melalui pelbagai saluran media dari semasa ke semasa. Saluran media merujuk kepada, antara lain, khidmat pesanan ringkas (SMS), Facebook, emel, Twitter dan pemesejan segera (*instant messaging*).

## **3. Penyertaan dan Pembatasan Penyertaan**

- 3.1. Peserta hendaklah memberikan maklumat yang benar, tepat, lengkap dan terkini seperti yang dipohon dalam borang *Kuiz Manfaat Bajet*.

- 3.2. Kementerian Kewangan Malaysia boleh menggantung, menamatkan atau membatalkan penyertaan anda pada bila-bila masa tanpa notis jika peserta melanggar Terma dan Syarat atas apa jua sebab.

#### **4. Penafian dan Pembatasan Liabiliti**

- 4.1. Kementerian Kewangan Malaysia tidak akan bertanggung terhadap apa-apa ganti rugi langsung, tidak langsung, sampingan, khas atau turutan yang timbul berhubung dengan penyertaan *Kuiz Manfaat Bajet* ini atau apa-apa perkiraan yang dibuat berhubung penyertaan *Kuiz Manfaat Bajet* ini atau yang timbul berhubung dengan tindakan penipuan atau tidak sah oleh mana-mana pihak ketiga.
- 4.2. Kandungan halaman laman web *Kuiz Manfaat Bajet* ini adalah untuk maklumat dan kegunaan umum sahaja.
- 4.3. Kementerian Kewangan Malaysia tidak akan bertanggung kepada penggunaan apa-apa maklumat atau bahan yang diperolehi dalam laman web atau melalui *Kuiz Manfaat Bajet* ini. Penggunaan maklumat tersebut adalah atas risiko peserta sendiri sepenuhnya dan adalah menjadi tanggungjawab peserta untuk memastikan apa-apa maklumat atau bahan tersebut memenuhi keperluan anda.

#### **5. Hak cipta**

Laman web ini dan kandungannya ialah hak cipta Kementerian Kewangan Malaysia.